

Ovdal jagi 1996 vuodđuduvvon suodjalanguovlluid lágat beaiváduvvojit

Birasministeriija joatká luonddusuodjalanlága ođasnuhttima válmmastallama nu ahte seasada ovdal jagi 1996 lágain vuodđuduvvon luonddusuodjalanguovlluid ráfáiduhttinjuolggadusaid. Jagi 1996 maŋnel vuodđuduvvon álbmotmehciid ja lágain vuodđuduvvon suodjalanguovlluid oasil nuppástusevttohusat ledje cealkinládje geasset 2021. Dát nubbi oassi suodjalanguovlluid ráfáidahttinjuolggadusaid beaivádeamis guoská 28 álbmotmeahci, buot 19 luonddumeahci, sulaid 130 jekkiidsuodjalanguovllu sihke ovcci eará luonddusuodjalanguovllu.

Ovdal jagi 1996 vuodđuduvvon suodjalanguovllut leat vuodđuduvvon jagi 1923 ásahuvvon luonddusuodjalanlága áigge, goas suodjalanguovlluid ráfáiduhttinjuolggadusat addojuvvoje sierra ásahusain. Nuppástusain ráfáiduhttinjuolggadusat sirdojuvvojit ásahusain lága dássái. Ásahusaid ráfáiduhttinjuolggadusat leat muhtin oassái boarásnuvvan ja daid sisdoallu molsahuvvá suodjalanguovlluid gaskkas. Rievdadus beaivádivččii ráfáiduhttinjuolggadusaid dávistit ođđa luonddusuodjalanláhkii ja dagalii ovttalágánin eará álbmot- ja luonddumeahciid juolggadusaid, goitge guovlluid sierranjuolggadusaid vuhtii válddedettiin.

Álbmot- ja luonddumeahcit, mat gullet beaivádeapmái, leat oba Suoma viidodagas.

Jekkiidsuodjalanguovllut ja earát lágain vuodđuduvvon luonddusuodjalanguovllut čeahkkanit Sámi (Lappi), Davvebađaeatnamii ja Kainuu eanangottiide. Sápmelaččaid ruovttuguovllus leat juogo ollásit dehe muhtimassii Leammii ja Urho Kekkosa álbmotmeahcit, Mallá, Geavu ja Soabbada luonddumeahcit sihke 14 jekkiidsuodjalanguovllu. Oktiibuot beaivádanvuloš lágat leat sulaid guoktelogi.

Boarráseamos lágat leat jagiid 1938, 1956, 1964 ja 1981 álbmot- ja luonddumeahciid várás vuodđuduvvon lágat. Eará beaivádanvuloš lágat leat jagiid 1982-1996 addojuvvon lágat sierra álbmotmehciid vuodđudeamis, jagiid 1981 ja 1988 addojuvvon lágat jekkiidsuodjalanguovlluid vuodđudeamis sihke 1990-logu addojuvvot lágat eará luonddusuodjalanguovlluid vuodđudeamis. Jagi 1996 maŋnel vuodđuduvvon guovllut gullet ođđa luonddusuodjalanlágain seamma ollisvuhtii ja lágat, mat gusket daid, beaiváduvvojit ođđa luonddusuodjalanlága oktavuodas.

Láhkafidnu álgá giđđat 2022 birasministeriija virgebargun ja čanusjoavkkuid gullamiin. Ráđđehusa ovdanbuktojumi árvalus viggojuvvo sáddet cealkinládje geassái 2022, ja ráđđehusa ovdanbuktojummi viggojuvvo addojuvvot riikkabeivviide skábmamánu 2022. Ulbmilin lea, ahte lágaid nuppástusat boadále vuoibmái oktanaga ođđa luonddusuodjalanlágain.

Lassidiedut:

Leila Suvantola

Láhkaásahanráđđi

t. 0295 250 433

leila.suvantola@gov.fi